

UGOVOR br. 17-14-31739-1

o pružanju usluga kontrole i mjerenja elektroinstalacija, gromobrana i panik rasvjete

I – UGOVORNE STRANE

1. Naručilac : KANTON SARAJEVO, Stručna služba za zajedničke poslove
Ul. Reisa Džemaludina Čauševića 1
koju zastupa Načelnik, Fikret Jašarević,
u daljem tekstu: **Naručilac.**

2. Izvršilac: Izvođač :»GRANULO-RE« d.o.o. Sarajevo,
ul. Bojnička br. 47,
koga zastupa Direktor Granulo Ramiz
u daljem tekstu: **Izvršilac**

II - PREDMET UGOVORA

Član 1.

Predmet Ugovora je pružanje usluga kontrole i mjerenja elektroinstalacija, gromobrana i panik rasvjete u objektima Kantona Sarajevo i to:

- u ul. Reisa Džemaludina Čauševića 1;
- u ul. M. Tita 62;
- u ul. Hamida Dizdara 1;
- u ul. Podgaj 6;
- u ul. Dalmatinska 2.
- u ul. Butmirska cesta 40;
- Kolektivni centar – Ilijaš;
- Kolektivni centar – Tarčin;
- Kolektivni centar – Hrasnica;
- Kolektivni centar – Gladno polje;

Osnovni elementi Ugovora se utvrđuju na osnovu ponude broj: 467-08/19 od 27.08.2019. godine.

Član 2.

Izvršilac se obavezuje da po nalogu Naručioaca i na osnovu prethodno usaglašenog i od strane Naručioaca usvojenog obima usluga, izvede eventualne naknadne ili dodatne usluge, a sve u skladu sa odredbama ovog Ugovora i u skladu sa zakonom.

III – KVALITET I OBIM USLUGA

Član 3.

Izvršilac usluga se obavezuje da sve ugovorene usluge izvede prema usaglašenoj dokumentaciji i predmjeru, a u skladu važećim propisima, standardima i normativima za ovu vrstu usluga.

Član 4.

Za sve vrste izvedenih poslova na objektima kao i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručiocu dostaviti odgovarajuće dokaznu dokumentaciju o ispravnosti i kvalitetu izvedenih usluga.

Član 5.

Eventualna odstupanja od izvođenja premjerom i predračunom predviđenih dodatnih usluga, a u pogledu njihovog kvaliteta kao i njihovog obima do 10% od ugovorenih usluga, moraju biti prethodno odobrena od strane Naručioca, odnosno od strane nadzornog organa, uz prethodno provođenje procedure koja je u skladu sa Zakonom o javnim nabavkama (Sl. glasnik BiH 39/14).

IV – GARANCIJA O KVALITETU

Član 6.

Izvršilac usluga daje garanciju da će izvedene usluge bit realizovane u skladu sa važećim zakonskim propisima koji se odnose na ovu vrstu usluge.

Član 7.

U slučaju naknadne pojave nedostataka u kvalitetu izvedenih usluga, a u okviru ugovorenih usluga, čijim bi trajanjem bili ugroženi životi ljudi ili prouzrokovane veće materijalne štete nad objektom, opremom i drugim uređajima u, i oko objekta, Izvršilac je dužan da otklanjanju nedostataka pristupi odmah po pozivu Naručioca.

U slučaju da Izvršilac to izbjegava Naručilac će postupiti na način predviđen članom 7. ovog Ugovora.

V – CIJENA USLUGA

Član 8.

Ukupna vrijednost usluga po ovom Ugovoru iznosi:

Ukupno bez PDV-a:	2.550,00 KM
PDV	433,50 KM
Ukupno sa PDV-om	2.983,50 KM

Slovima: **dvijehiljadedevetstotinaosamdesettri i 50/100 KM**

Konačna vrijednost poslova utvrdit će se konačnim obračunom realizovanih usluga, a na osnovu stvarno izvedenih količina i ugovorenih jediničnih cijena po usaglašenom predmjeru ugovorenih poslova, koji se nalaze u prilogu ovog Ugovora i koji čine njegov sastavni dio.

Konačnom vrijednošću radova će biti obuhvaćene i eventualne naknadne usluge, a u skladu sa članom 2. ovog Ugovora.

Član 9.

Izvršilac nema pravo na promjenu ugovorenih jediničnih cijena usluga, po bilo kom osnovu i u tom smislu **jedinične cijene utvrđene premjerom i predračunom, smatraju se fiksnim i nepromjenljivim.**

VI – NAČIN I USLOVI PLAĆANJA

Član 10.

Ugovorne strane su se sporazumjele da Naručilac, Izvršiocu ugovorenih poslova iste plati na račun:

žiro račun broj: 154-001-2000-118-921 (»INTESA SAN PAOLO BANK«)

Član 11.

Fakturisanje (plaćanje) relizovanih poslova će se vršiti na slijedeći način:

- nakon završetka predviđenih poslova i ispostavljanja fakture.

Ovjerenu i potpisanu fakturu Naručilac je, na način predviđen članom 10 ovog Ugovora dužan isplatiti Izvršiocu u roku od 30 dana, koji počinje teći danom njenog prijema od strane Naručioca.

VII - ROK I USLOVI IZVRŠENJE USLUGA

Član 12.

Pod uvođenjem Izvršioca u posao, u smislu odredbi prethodnog člana, smatra se obaveza Naručioca:

1. da potpiše i ovjeri ovaj Ugovor,
2. da preda Izvođaču svu dokumentaciju potrebnu za realizaciju usluga,
3. da Izvršiocu omogući korištenje predmetnih prostora za realizaciju ugovorenih usluga.

Član 13.

Ukoliko to Izvršilac bude zahtijevao Naručilac je dužan da Izvršiocu poslova, bez naknade omogućiti korištenje i priključenje na elektro i mrežne instalacije.

Član 14.

Izvršilac poslova je odgovoran za:

1. sprovođenje mjera tehničke zaštite na radu na objektima,
2. sigurnost objekta i stvari u njemu za vrijeme realizacije poslova,
3. sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih realizacijom poslova.

Također, Izvršilac je prema zahtjevu Naručioca dužan da planirane poslove realizuje van radnog vremena uposlenika, što se ima utvrditi posebnim termin planom koji je sastavni dio ovog Ugovora.

Član 15.

Izvršilac treba ukoliko je to zakonska obaveza prijaviti izvođenje predmetnih poslova nadležnom opštinskom organu, a sve u skladu sa važećim propisima.

VIII - PENALI I KAZNA

Član 16.

U slučaju da Izvršilac svoju ugovorenu obavezu ne izvrši u ugovorenom roku i u obimu iz osnovnog predmjera usluga Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti poslova za svaki dan zakašnjenja.

Ukoliko Izvršilac u ugovorenom roku iz bilo kog razloga ne započne ugovorene usluge ili ugovorene usluge djelimično realizuje, ali isti budu izvedeni manje od 70% od ukupno

planiranih poslova, Naručilac stiče pravo da automatski pokrene proceduru naplate raskida ugovora.

Član 17.

Ukoliko dođe do kašnjenja Ugovorom preuzetih obaveza, ugovorena kazna će biti obračunata konačnim obračunom, a ukoliko dođe do otkazivanja Ugovora na jedan od načina koji su navedeni u članu 16. ovog Ugovora, Naručilac stiče pravo naplate troškova koji su prouzrokovani otkazivanjem Ugovora.

IX IZMJENA ODREDBI UGOVORA, RASKID UGOVORA

Član 18.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi, a takav dokument čini sastavni dio ovog Ugovora.

Član 19.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

X PRELAZNE I ZAVRŠNE ODREDBE

Član 20.

Sastavni dio ovog Ugovora čine:

1. prihvaćena ponuda Izvršioca poslova br. 467-08/19 od 27.08.2019. godine.,
2. sva druga obostrano usaglašena i ovjerena dokumentacija nastala tokom realizacije poslova.

Član 21.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 22.

Ovaj Ugovor stupa na snagu danom potpisa od strane ugovornih.

Član 23.

Ovaj Ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

NARUČILAC:

KANTON SARAJEVO

Stručna služba za zajedničke poslove



Broj: 17-14-31739

Datum: 16.09.2019. godine

IZVRŠILAC:

GRANULO-RE d.o.o.

Direktor

Ramiz Granulo

Broj:

Datum: 16.09.2019. godine